



Kattusseqatigiit Partiat

Tlf. 299 34 61 11 / 34 62 52 - fax 299 32 62 35
Postboks 74, 3952 Ilulissat - tlf./ fax 299 94 47 53

Anthon Frederiksen

Ulloq 08. september 2006

Inatsisartut suleriaasianni § 36 imm. 1 naapertorlugu apeqquteqaat imaattoq Naalackersuisunut ingerlateqqippara:

(inatsisartunut ilaasortaq Anthon Frederiksen, Kattusseqatigiit partia)

Naalackersuisunut apeqqut:

Meeqqat suli nammineersinnaanngitsut, angajoqqaaminillu asanninnermik, tapersorneqarnissamik il.il. nalinginnaasumik pisariaqartitsisut qanimanartumik nappaateqalertillungit, ajoqqaat arlaat pisortanit Namminersornerullutik Oqartussat ataani imaluunniit kommune-ni atorfeqarsimappata, taakku arlaat imaluunniit tamarmik, meeqqap napparsimasup angajoqqaaminillu pisariaqartitseqisup nunagisaq qimallugu aallaqqasariaqarnini/nertik pissutigalugu suliffimminiit/-fimminniit soraarsitaasinnaappaat ? imaluunniit taamatut pisoqartillugu angajoqqaat qanoq periarfissaqartinneqarpat ?

Tungavilersuut:

Tamanit ilisimaneqartutut arlarput nappaammik qanimanartulimmik eqqorneqaratarsinnaavoq, soorlu kræft-imik imaluunniit qaratsakku aanaartoornermik, nappaammilluunniit allamik toqussutaasinnaasumik. Aammalumi ajoraluartumik Nunatsinni angajoqqaarpoq ataasiinnaanngitsunik taamatut nalaataqarsimasunik.

Nalunngilarput; ilaqtariit taamatut nalaataqartartut timikkut anersaakkullu sakkortuumik sunnerneqartarnermik saniatingut aamma suliffeqarnermikkut aningaasarsiornikkut, minnerunngitsumillu akiligassatigut kinguaattoornermik eqqorneqaannaratik, kisiannili aamma inuuniarnikkut ulluinnarnilu atukkamikkut assorujussuaq erloqinartunik atungassaqartartut. Taamaattumik angajoqqaat taamatut nalaataqarsimasut, nalaataqartartullu qanoq pisortaniit periarfissaqartinneqartut pillugit piaartumik Naalackersuisut akissuteqarnissaat piumasaqaatingaara

maannakkorpiaq angajoqqaat aamma ilaqarmata apeqqutinik qulaani taaneqartunik
akissuteqarfigineqarnissaminnik.

Neriuppunga pisortani ingerlatsinermut inatsit naapertorlungu apeqquteqaat piaarnerpaamik
akissuteqarfigineqassasoq.

Inussiarnersumik inuulluaqqusillunga

Anthon Frederiksen

Kattusseqatigiit partiat sinnerlungu

Inatsisartunut ilaasortaq